



«Քայլ առ քայլ»

բարեգործական հիմնադրամ

«Նախադպրոցական հաստատության մանկավարժական աշխատողների մասնագիտական կարողությունների և հմտությունների զարգացման» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Ինտեգրված պարապմունքների կազմակերպումը՝ կարողունակահեն կրթական մոտեցման համատեքստում

Դաստիարակ՝ Մարինե Կիրակոսյան

Մանկապարտեզ՝ «Ավան մ/մ» ՀՈԱԿ թիվ 56 մ/մ

2023թ.

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ.....	3
ԳԼՈՒԽ ԱՌԱՋԻՆ	
ԻՆՏԵԳՐՎԱԾ ՊԱՐԱՊՄՈՒՆՔՆԵՐԻ ԿԱԶՄԱԿԵՐՊՄԱՆ ԱՌԱՆՁՆԱՀԱՏԿՈՒԹՅՈՒՆՆԵՐԸ	
1.1. Ինտեգրված ուսուցման էությունը.....	5
1.2. Ժամանակակից ինտեգրված պարապմունքներին ներկայացվում են հետևյալ պահանջները.....	8
ԳԼՈՒԽ ԵՐԿՐՈՐԴ	
ՀԵՏԱԶՈՏՈՒԹՅԱՆ ԸՆԹԱՑՔԸ.....	11
ԵԶՐԱԿԱՑՈՒԹՅՈՒՆ.....	17
ՕԳՏԱԳՈՐԾՎԱԾ ԳՐԱԿԱՆՈՒԹՅՈՒՆ	18

ՆԵՐԱԾՈՒԹՅՈՒՆ

Նախադպրոցական հաստատություններում ուսուցման ժամանակակից նորարարական մեթոդներից մեկը ինտեգրված պարապմունքներն են, որոնք հանդիսանում են կրթության շարունակական բարեփոխումների համակարգում մեթոդաբանական միանգամայն նոր մոտեցում: Միջգիտակարգային գիտելիքների վրա հիմնված ինտեգրված պարապմունքներն, ըստ էության, միջառարկայական կապեր ապահովալ ուսուցողական պարապմունքի օրինակ են: Երեխաների ճանաչողական գործունեությունը ակտիվացնելու բազմազան միջոցների կիրառմամբ՝ ինտեգրված ուսուցումը նպատակ ունի ամբողջական և համակողմանի գիտելիքներ ձևավորել շրջակա աշխարհի տարբեր երևույթների վերաբերյալ:

Դեռևս անցյալ դարի 70-ական թթ մանկավարժական գիտամեթոդաբանական հետազոտություններում առանձնահատուկ նշանակություն տրվեց երեխայի մտավոր, ֆիզիկական, սոցիալական և հուզաարժեքային համակարգի համակողմանի զարգացմանը, էկոլոգիական և գեղագիտական դաստիարակությանը: Ինդիհրը ենթադրում էր նախադպրոցական տարիքի երեխաների կրթության և տարբերակված ուսուցման գործընթացում ուսուցման գործունեության մի քանի տեսակների միավորում, միջառարկայական կապերի ապահովում, ինտեգրատիվ մոտեցման կիրառում և պարապմունքների համապատասխան ձևերի կազմակերպում: Այս ուղղությամբ ծանրակշիռ գիտական հետազոտություններ են կատարել Վ. Կրանսկին, Ն. Տալիգինան, Գ. Ֆեդորեցը, Ա Գոգոբերիձեն, Օ Սոլնցևան և ուրիշներ, ովքեր ուսուցման կազմակերպման մեջ առավելագույնս կարևորել են ինտեգրման սկզբունքն ու ինտեգրված պարապմունքի դերը:

Հետազոտական աշխատանքի **նպատակը** նախադպրոցական հաստատություններում կարողունակահեն կրթական մոտեցման համատեքստում ինտեգրված ուսուցման և պարապմունքների նշանակության գնահատումն ու կազմակերպման եղանակների վերլուծությունն է:

Թեմայի ընտրությունը պայմանավորված է քննարկվող հիմնախնդրի արդիականությամբ և երեխաների համակողմանի զարգացման գործընթացում ինտեգրված պարապմունքների արդյունավետությամբ: Աշխատանքի կատարման

արդյունքում ակնկալում ենք հիմնավորել ինտեգրված ուսուցման և պարապմունքների կազմակերպման անհրաժեշտությունը նախ երեխաների մոտ միջառարկայական ինտեգրված գիտելիքներ և հմտություններ, ապա նաև՝ գործնականում դրանք կիրառելու կարողություններ ձևավորելու գործում:

Հետազոտական աշխատանքը բաղկացած է ներածությունից, երկու գլխից, երկու ենթագլխից, պարապմունքի պլանավորումից, եզրակացությունից և օգտագործված գրականության ցանկից.

ՏԵՍԱԿԱՆ ՄԱՍ

ԳԼՈՒԽ ԱՌԱՋԻՆ
ԻՆՏԵԳՐՎԱԾ ՊԱՐԱՊՄՈՒՆՔՆԵՐԻ ԿԱԶՄԱԿԵՐՊՄԱՆ
ԱՌԱՆՁՆԱՀԱՏԿՈՒԹՅՈՒՆՆԵՐԸ

1.1. Ինտեգրված ուսուցման էությունը:

Նախադպրոցական ուսումնական հաստատություններում ուսուցման հիմնական ձևը ուսուցողական և դաստիարակչական բնույթի պարապմունքներն են: Նախադպրոցականի համակողմանի և ներդաշնակ զարգացման գործում մեծ է հատկապես ինտեգրված ուսուցման դերը, որը նպաստում է երեխաների կողմից շրջապատող աշխարհի երևույթների և առարկաների առավել խորը, բազմակողմանի ընկալմանը, դրանց միջև կապերի բացահայտմանը:

«Ինտեգրում» (Integr-ամբողջ)- լատիներենից թարգմանաբար նշանակում է՝ վերա-կանգնում, համալրում, մասերի միավորում մեկ ամբողջի մեջ:

Ինտեգրված պարապմունքները հնարավորություն են տալիս ձևավորելու հստակ պատկերացումներ ուսուցանվող նյութի մասին, արթնացնում են հետաքրքրություն ուսուցանվող երևույթի նկատմամբ: Ինտեգրված պարապմունքի համար կարևոր է նյութի ընտրությունը, ուսումնական միջոցների բազմազանությունը, արդյունավետ մեթոդների ընտրությունը, ինչպես նաև ինտեգրված պարապմունքն անցկացնող դաստիարակների պատրաստվածությունը, հոգեբանական համատեղելիությունը:

Ինտեգրված պարապմունքներն ապահովում են երեխայի մտավոր, սոցիալական, հուզական, ֆիզիկական և գեղագիտական ոլորտների համակողմանի զարգացումը: Ինտեգրված պարապմունքները կարևորում են գործունեության այն ձևերը որոնք պահանջում են ինքնուրույն մտածողություն, նախաձեռնողականություն, համագործակցություն, հնարամտություն, անձնական կարգապահություն, շրջապատում կատարվող փոփոխությունների ճիշտ ընկալում:

Ինտեգրված ուսուցումը ենթադրում է գիտելիքի տարբեր բնագավառների միջև կապերի ստեղծում: Երեխաներին առաջարկվում են հետաքրքրի թեմաներ կենսական հարցերի շուրջ: Ուսումնասիրվող թեմայի մեջ երեխաների հետաքրքրություններին կենտրոնական տեղ հատկացնելով՝ ապահովվում է երեխաների շահագրգռվածությունն ու հետաքրքրասիրությունը թեմայի նկատմամբ:

Դաստիարակը ինտեգրված պարապմունքին նախապատրաստվելիս, ըստ Հ. Միտոյանի և Լ. Սմբատյանի պետք է հաշվի է առնի [5].

- արդյոք թեման համապատասխանում է երեխաների հետաքրքրություններին,
- նպաստում է երևակայության և ստեղծագործական մտքի խթանմանը,
- հնարավոր է արդյոք ընտրված թեման անցնել այնպես, որ ապահովվի բոլոր երեխաների մասնակցությունը և միաժամանակ յուրաքանչյուր երեխայի գործադրած ջանքը պսակվի հաջողությամբ,
- երեխաները հնարավորություն ունենան համագործակցելու և որոշակի պատասխասխանատվություն կրելու,
- երեխաները կարողանան ավելացնել իրենց գիտելիքներն ու փորձը՝ միջավայրի, առարկաների, մարդկանց և իրենց շրջապատում տեղի ունեցող իրադարձությունների վերաբերյալ:

Երեխաների ճանաչողական հետաքրքրությունների ձևավորման, ինչպես նաև ճանաչողական գործունեության ակտիվացման նպատակով, ինտեգրված պարապմունքների ընթացքում կիրառվում են տարբեր մեթոդներ, դաստիարակը օգտվում է նաև տարբեր միջոցներից: Ուսուցման կազմակերպման ավանդական ձևերը պարբերաբար մշակվում և կատարելագործվում են: Փորձը ցույց է տալիս (Գ. Ֆեդորեց), որ փոխներգործուն մեթոդների կիրառումը նախադպրոցական տարիքի երեխաների համար պարապմունքները դարձնում է հաճելի, զվարճալի և արդյունավետ՝ հատկապես, եթե դրանք անցկացվում են կերպարվեստային միջոցների ու երաժշտության զուգակցությամբ: Այստեղ կարևոր է նաև այն, որ ուսուցման գործընթացին մասնակցում են տվյալ տարիքային խմբի բոլոր երեխաները: Նման գործունեության ընթացքում ակտիվորեն զարգանում են երեխայի հոգեկան գործընթացները: Նրանք սովորում են համագործակցել հասակակիցների հետ, բարձրանում է երեխայի ինքնագնահատականը, հնարավորություն է ստեղծում ճանաչողական գործընթացը դարձնել իսկապես հազեցված: Դա օգնում երեխաներին՝ բացահայտելու իրենց ուժեղ կողմերը, ստեղծագործական ունակությունները, բավարարելու հետքերությունները: Նման պարապմունքները կարող են անցկացվել ինչպես ենթախմբերով , այնպես էլ

ամբողջ խմբի հետ՝ ըստ պարապմունքի նպատակի, տեսակի և ուսումնական նյութի: Կարևորվում են պարապմունքների տեղի և ժամանակի ընտրությունը, դրանց անցկացման ձևերը, ուսումնական զարգացնող միջավայրը: Դրանք օգնում են երեխաներին՝ այս կամ այն գործունեության ընթացքում առավելագույնս տրամադրվելու դաստիարակի կողմից առաջադրվող նյութի ընկալմանը: Եթե պարապմունքը պահանջում է նախատեսված գիտելիքների հաղորդում կամ երեխաների յուրացրածի համակարգում, և դաստիարակը դեռևս լավ չի տիրապետում նոր մեթոդների, ապա այն կարող է անցկացվել ավանդական ձևով: Աստիճանաբար հմտանալով՝ դաստիարակը կարող է առավել ակտիվ օգտագործել դրանք, որպես ուսումնադաստիարակչական աշխատանքի արդյունավետ ձև: Ուսուցման ընթացքում դաստիարակը հաշվի է առնում երեխաների անահատական տվյալները. Այսինքն՝ յուրաքանչյուր երեխա հնարավորություն է ստանում ուսուցվող նյութը յուրացնել ըստ իր հոգեկան զարգացման, խանվածքի և ընկալման կարողությունների:

Ինտեգրված պարապմունքները հնարավորություն են տալիս կիրառելու ուսուցման ինտերակտիվ մեթոդներ, աշխատելով փոքր խմբերով, համագործակցելով հասակակիցների հետ, յուրաքանչյուր երեխա օգտվում է բավականին շահեկան և բարենպաստ պայմաններում: Այսպես՝

- Համագործակցելով հասակակիցների հետ, նա ավելի արագ է ինտեգրվում,
- Նույն ժամանակահատվածում խմբի բոլոր երեխաները զբաղված են,
- Համագործակցության ընթացքում բարձրանում է երեխայի ինքնագնահատականը,
- Երեխան հնարավորություն է ունենում ազատ ինքնաարտահայտվելու;
- Ակտիվ աշխատում և զարգանում են թե օժտված երեխաները, թե թույլկարողություն, թեառանձնահատուկ պայմանների կարիք ունեցող երեխաները,
- Երեխան հնարավորություն է ստանում սովորել սեփական սխալների վրա,
- Ուսուցումը վեր է ածվում հաճելի համագործակցության:

Պարապմունքի ընթացքում կազմակերպվում է անհատական, խմբային, զույգերով աշխատանք, կիրառվում են հետազոտական, դերային խաղեր, ստեղծագործական գործունեություն և այլն:

1.2. Ժամանակակից ինտեգրված պարապմունքներին ներկայացվում են հետևյալ պահանջները

Ժամանակակից ինտեգրված պարապմունքներին ներկայացվում են հետևյալ պահանջները.

- Նոր մեթոդների կիրառում,
- Փոխազդեցություն, փոխուսուցում,
- Երեխայի ակտիվություն,
- Համագործակցություն
- Ինքնաարտահայտման խրախուսում
- Հետադարձ կապ և այլն:

Պարապմունքի ձևի ընտրությունը, ըստ մեթոդների, որոշում է դաստիարակը՝ ծրագրով նախատեսված թեմային համապատասխան: Եթե տվյալ թեման կարելի է մատուցել խաղի, խաղ-պարապմունքների, էքսկուրսիաների կամ ինտեգրված պարապմունքների ձևով, ապա դաստիարակն այդ ընտրությունը ամրագրում է պլանավորման մեջ: Այն չի կարող ինքնանպատակ լինել կամ կամայական բնույթ կրել այլ պայմանավորված է՝

- Ուսուցման նպատակներով և խնդիրներով,
- Ուսուցվող նյութի բովանդակությամբ, ծավալով և բարդությամբ,
- Երխաների պատրաստվածության մակարդակով
- Տարիքային առանձնահատկություններով,
- Երեխաների թվաքանակով,
- Դաստիարակի պատրաստվածության մակարդակով:

Ուսուցման ինտեգրակտիվ մեթոդների կիրառման պայմաններն են.

- Աշխատանքում պետք է ներգրավված լինեն բոլոր երեխաները,
- Եթե տվյալ տարիքային խումբը մեծաքանակ է , ապա արդյունավետ է
- աշխատանքը կազմակերպել փոքր խմբերով:

- Փոքր խմբերով աշխատանքի դեպքում բոլորը պետք է արտահանուցվելու հնարավորություն ունենան, յուրաքանչյուր ենթախումբ ն երկայացնելու է խնդրի վերաբերյալ իր տեսակետը:
- Հարկավոր է խմբասենյակը նախապատրաստել այնպես, որպեսզի երեխաները հեշտությամբ աշխատեն մեծ և փոքր խմբերով: Ցանկալի է , որ նստելու դիրքը և ափոռների դասավորությունը նպաստեն դրան: Աշխատանքի համար անհրաժեշտ նյութերը պետք է պատրաստել նախապես:

Ինտեգրված պարապմունքները կարող են ծառայել նաև որպես ամփոփիչ պարապմունք, որի ընթացքում դաստիարակը կկիրառի նոր մեթոդներ: Ավելի հաճախ դրանք անհրաժեշտ է օգտագործել, որպես ամենօրյա պարապմունքներ, որոնք ամենևին կարիք չունեն նախապես երեխաներին նախապատրաստելու: Նման պարապմունքները արդյունավետ անցկացնելու համար անհրաժեշտ է միայն պլանավորել պարապմունքի ամբողջ ընթացքը, հստակ ձևակերպել նպատակները, նախապատրաստել անհրաժեշտ նյութերը ըստ ենթախմբերի: Այսպիսի պարապմունքների ընթացքում երեխաներն աստիճանաբար սովորում են ինքնուրույն աշխատել և այդ կերպ ձևավորվում են հետազոտական հմտություններ և կարողություններ: Նրանք սովորում են համարձակ արտահայտել իրենց կարծիքները այս կամ այն հարցի շուրջ: Կարողանում են ամփոփել իրենց սովորածը և իմացածը՝ ընտրած թեմայի շրջանակում: Կատարում են համեմատություններ և գտնում տարբերությունները, ազատ և անկաշկանդ երևակայությամբ ստեղծագործում են և ներկայացնում իրենց կատարած աշխատանքները: Սովորում են կարծիք հայտնել ընկերոջ կատարած աշխատանքի վերաբերյալ:

Ինտեգրված պարապմունքները նպատակաուղղված են առարկաների կամ երևույթների համակողմանի ուսումնասիրմանը, գիտելիքների համակարգվածությանը, ստեղծագործական երևակայության զարգացմանը: Ընդ որում ինտեգրված ուսուցման արդյունավետությունը բարձրացնում են ոչ թե մեխանիկորեն սերտած տեղեկությունները, այլ՝ միջառարկայական կապերի օգտագործման մեթոդական եղանակով ձևավորվող ամբողջական գիտելիքներով և դրանք կյանքում կիրառելու կարողություններով:

Ըստ մի շարք հեղինակ-տեսաբանների, մասնավորապես՝ Ն. Տալիզինայի [2], Ա. Գոգոբերիձեի և Օ. Սոլնցևայի [4], ինտեգրված ուսուցման անհրաժեշտությունը պայմանավորված է երեխաների կողմից շրջապատող աշխարհն ավելի ամբողջական ընկալելու, առանձին երևույթների և առարկաների պատճառահետևանքային կապերը տեսնելու, հասկանալու և եզրահանգումներ կատարելու անհրաժեշտությամբ:

Ինտեգրված պարապմունքների անցկացման ձևաչափը հետաքրքիր է, յուրահատուկ և ուսանելի: Դրանց ընթացքում դաստիարակին հնարավորություն է ընձեռնվում ներկայացնել առարկայական տարբեր ոլորտների և կյանքի միջև գոյություն ունեցող կապը, թոթափել երեխաների հոգնածությունը, լարվածությունը, և էապես մեծացնելով ճանաչողական հետաքրքրությունը՝ նպաստել երևակայության, ուշադրության, խոսքի և հիշողության զարգացմանը: Հասարակության զարգացման արդի ժամանակաշրջանում ուսուցումն ընկալվում է որպես անձի աշխարհաճանացողությունն ու գիտակցությունը ձևավորելու և զարգացնելու հատուկ կազմակերպված գործընթաց, որում գիտելիքների ինտեգրմանը միտված ուսուցումը միջառարկայական կապերի միջոցով կերտում է շրջակա աշխարհի ամբողջականության ու միասնականության պատկեր:

Ինտեգրված ուսուցումն ու համապատասխան պարապմունքների կազմակերպումը նախադպրոցական ուսումնական հաստատության դաստիարակին ստեղծագործելու հնարավորություն է ընձեռում: Այս առումով, հայտնի տեսաբան-մանկավարժ Գ Ֆեդորեցը [3] մանկապարտեզում ինտեգրված ուսուցումը համարելով միջառարկայական կապերի վրա հիմնված պարապմունքների հատուկ նպատակային տեսակ՝ նշում է, որ այն ենթադրելով ինտեգրիչ առարկայի առանձնացում և դրան աջակցող, լրացնող մեկ կամ մի քանի առարկաների համադրում պահանջում է դաստիարակից ստեղծագործական մոտեցում՝ դրանով իսկ նպաստելով նյութի խորացմանը, ընդլայնմանն ու հստակեցմանը:

Ինտեգրված պարապմունքներ կազմակերպելիս կարելի է միավորել ինչպես տարբեր առարկաներ ողջ ծավալով, այնպես էլ առանձին առարկաների բաղադրիչներ և մեթոդներ:

Այսպես, մեր կողմից կատարված հետազոտական աշխատանքում որպես ինտեգրիչ ընտրվել է «Ծանոթացում շրջապատին» առարկան և այն համադրել ֆիզիկական դաստիարակության հետ՝ փորձելով ստեղծել միջառարկայական կապի նպատակային տարբերակ:

ԳԼՈՒԽ ԵՐԿՐՈՐԴ

ՀԵՏԱԶՈՏՈՒԹՅԱՆ ԸՆԹԱՑՔԸ

Պարապմունքի կազմակերպում: Նախադպրոցական ուսումնական հաստատություններում երեխաների կրթադաստիարակության գործընթացի կարևոր բաղադրամասերից մեկը ուսուցողական պարապմունքներն են: Դրանց ընթացքում երեխաները ձեռք են բերում որոշակի գիտելիքներ և հմտություններ, որոնք այնուհետև ավելի խորը յուրացվում և ամրապնդվում են տարբեր խաղերի, մեծերի և հասակակիցների հետ ամենօրյա հաղորդակցման և ինքնուրույն գործունեության ընթացքում:

Ուսուցողական պարապմունքներն իրենց բովանդակությամբ և կազմակերպման ձևով չպետք է առանձնացվեն և շատ տարբերվեն մյուս աշխատանքներից, որոնք իրականացվում են երեխաների հետ օրվա տարբեր ժամերին: Պարապմունքները պետք է ներառվեն օրվա աշխատանքներում այնպես, որ անցումը պարապմունքից երեխայի գործունեության մյուս ձևերին լինի բնականոն, տրամաբանական, սահուն և հիմնավորված: Անհարժեշտ է հիշել, որ օրվա ընթացքում երեխաների հետ տարվող բոլոր աշխատանքները՝ անկախ դրանց բնույթից, հավասարաչափ կարևոր են և իրենց դերն ունեն երեխայի համակողմանի զարգացման գործում:

Ուսուցողական պարապմունքները տարվում են երկու ձևով՝ համընդհանուր (ճակատային) ուսուցման, որը հիմնականում կատարվում է նոր նյութի հաղորդման ժամանակ և մի քանի թեմատիկ պարապմունքների ինտեգրման եղանակով:

Մինչ «Ճանապարհորդություն դեպի կենդանաբանական այգի» թեմայով մեր կողմից կազմակերպված ինտեգրված ուսուցողական օրինակելի պարապմունքի իրականացումը, կատարել ենք մանկապարտեզի միջին խմբի կրթական համալիր ծրագրով նախատեսված նախապատրաստական թեմատիկ պարապմունքներ: Դրանք կատարվել են համընդհանուր ուսուցման եղանակով, ունեցել են թեմատիկ հստակ բովանդակություն՝ «Ընտանի և վայրի կենդանիներ», «Ընտանի և վայրի թռչուններ» և ամրապնդվել գործնական աշխատանքների միջոցով:

Թեմաների զարգացումը, նյութի ամրապնդումը, ամփոփումը կատարելու նպատակով՝ կիրառել ենք ուսուցման փոխգործուն մեթոդները, օգտագործելով աշխատանքային կենտրոնները և կազմակերպելով փոքր խմբերով աշխատանք:



Նման պարապմունքները հնարավորություն են ստեղծում ճանաչողական գործընթացը դարձնել իրական փորձառություն, որն օգնում է յուրաքանչյուր երեխային լիարժեք բացահայտել իր ստեղծագործական կարողությունները, բավարարել հետաքրքրությունները:

Պարապմունքների ժամանակ երեխաները հետազոտում են, ուսումնասիրում, պրպտում, լուծումներ գտնում, որոշումներ կայացնում: Նրանք սովորում են ոչ

միայն դաստիարակին լսելով, այլ նաև սեփական փորձով, ընկերների հետ քննարկելով, պարապմունքին մասնակցող այլ մեծահասակների հետ շփվելով:



Պլանավորված պարապմունքներն իրականացվել են խմբերով՝ կախված ուսուցանվող նյութի բովանդակությունից, թեմաների նպատակներից, երեխաների նախապատրաստվածության մակարդակից և հոգեբանական առանձնահատկություններից, ծնողների պահանջներից:

Պարապմունքի ընթացքը: Երեխաների հետ մեր կատարած աշխատանքը ցույց է տալիս, որ նրանք առավել մեծ հետաքրքրություն են ցուցաբերում ֆիզկուլտուրայի

պարապմունքներին: Ֆիզիկական դաստիարակությունը նպատակաուղղված է երեխաների առողջության պահպանմանն ու ամրապնդմանը, նրանց շարժողական կարողությունների և հմտությունների ձևավորմանը, ուստի դաստիարակի և ֆիզիկական գիշի համագործակցային աշխատանքին առանձնահատուկ դեր է վերապահվում:

Այդ նկատառումով էլ ֆիզիկական գիշի հետ համագործակցության շրջանակում «Ծանոթացում շրջապատին» առարկայի ինտեգրված եղանակով ուսուցումը համադրել ենք ֆիզիկական դաստիարակության հետ՝ փորձելով ստեղծել միջառարկայական կապի նպատակային տարբերակ և այդ հիմքի վրա իրականացնել ինտեգրված օրինակելի պարապմունք: Պարապմունքի ընթացքում երեխաների ակտիվ շարժունակության և բարձր աշխատունակության ապահովման

համար կարևոր է, որ դաստիարակը նախապես ճիշտ պլանավորի գործունեության առանձին տեսակների և հանգստի հերթագայումը:





Ստորև ներկայացնում ենք ֆիզիկական դաստիարակության հետ ինտեգրված եղանակով կազմակերպված «Ծանոթացում շրջապատին» առարկայի ինտեգրված պարապմունքի պլանը.

Պարապմունքի պլան

Պարապմունք	Խումբ	Թեմա	Տևողություն
Ինտեգրված	Միջին	Ճանապարհորդություն	30-35 րոպե

օրինակելի Ծանոթացում շրջապատին և ֆիզկուլտուրա		դեպի կենդանաբանական այգի	
Նպատակը	<ul style="list-style-type: none"> • Վայրի և ընտանի կենդանիների (թռչունների) մասին գիտելիքների ամրապնդում, • Կենդանիների (թռչունների) վարքագծին բնորոշ շարժումների նմանակում, • Վայրի և ընտանի կենդանիների (թռչունների) ըստ ապրելավայրի խմբավորելու կարողության ձևավորում 		
Նյութեր	<ul style="list-style-type: none"> • Անտառի և գյուղական բնակավայրի գունազարդ պաստառներ, • Ընտանի և վայրի կենդանիների (թռչունների) նկարներ, • Սպորտային գորգ, տափակ օղակ, թեք տախտակ, գնդակ: 		
Մեթոդները	<ul style="list-style-type: none"> • Ինտերակտիվ 		
Խթանման փուլ	<p style="text-align: center;">Ընթացքը</p> <p>Հարցերի միջոցով թվարկել կենդանաբանական այգում բնակվող կենդանիները, դրանց անվանել ընդհանրացնող բառով: Հրավիրել ֆիզիրահանգիչին կատարելու կենդանիներին (թռչունների) նմանակող նախավարժանք:</p>		
Իմաստի ընկալման փուլ	<p>Ֆիզիկական արգելքները հաղթահարելու միջոցով ընտանի և վայրի կենդանիներին խմբավորել և տեղավորել իրենց բնակատեղում: Մրցակցային խաղի կազմակերպում:</p>		
Կշռադատման փուլ	<p>Շրջանաձև նստել գորգին և «Ինչպիսի ձայներ են արձակում կենդանիները», «Անվանիր կենդանիների ձայները», «Անվանիր կենդանիների ձագուկներին»</p>		

	<p>դիդակտիկ խաղերի միջոցով պարզել յուրացված գիտելիքները: Կատարել ինտեգրված պարապմունքի վերջնարդյունքների ամփոփում:</p>
--	--

ԵԶՐԱԿԱՑՈՒԹՅՈՒՆ

Այսպիսով՝ վերլուծելով նախադպրոցական ուսումնական հաստատություններում ինտեգրված ուսուցման, պարապմունքների կազմակերպման և իրականացման ձևերն ու եղանակները, հանգել ենք հետևյալ եզրակացությունների.

- Ինտեգրված պարապմունքները կարելի է կազմակերպել մանկապարտեզի բոլոր տարիքային խմբերում: Նման պարապմունքները պահանջում են և՛ դաստիարակի, և՛ երեխաների նախապատրաստում:
- Ինտեգրված պարապմունքները պարտադիր պետք է ունենան թեմատիկ բովանդակություն, ընդորում, ընտրված թեման հիմք է հանդիսանում գործունեության տարբեր ձևերի մեկտեղմանը, հետևաբար այդ պարապմունքները ենթադրում են տարբեր առարկաներից գիտելիքների փոխանցում:
- Կարողունակահեն կրթական մոտեցման համատեքստում ինտեգրված պարապմունքները ուսուցման հուսալի եղանակ են հանդիսանում տարբեր առարկաների միջև կապ տեսնելու և այդ կապը գործնականում օգտագործելու կարողությունների ու հմտությունների զարգացման գործընթացում:
- Ինտեգրված պարապմունքներում դժվար է որոշել հիմնական նպատակը, քանի որ այն կրում է ինտեգրված բնույթ: Երեխան թեմայի հիմնական գաղափարը դիտարկում է տարբեր կողմերից՝ ճանաչողական, խոսքային, գեղարվեստական և, բացահայտում երևույթի հիմնական հատկանիշներն ու առանձնահատկությունները՝ ձեռք բերելով նոր գիտելիքներ:
- Ինտեգրված պարապմունքն արդյունավետ անցկացնելու կարևոր նախապայմաններից մեկը պարապմունքի ճիշտ պլանավորումն է, որը պետք է ներառի նաև գնահատման համակարգը:
- Ուսուցման ինտեգրված մոտեցումը համապատասխանում է նախադպրոցական դիդակտիկայի հիմնական պահանջներին, այն է՝ կրթությունը պետք է լինի փառաձավալ, բայց տարողունակ:

ՕԳՏԱԳՈՐԾՎԱԾ ԳՐԱԿԱՆՈՒԹՅՈՒՆ

1. Краевский В. В. Методология педагогики: Пособие для педагогов-исследователей. -Чебоксары: Изд-во Чуваш, ун-та, 2001. – 244 с.
2. Талызина Н. Ф. Педагогическая психология, М.: Издательский центр «Академия», 1998. - 288 с.
3. Федорец, Г.Ф. Межпредметные связи в процессе обучения : учебное пособие, Ленинградский государственный педагогический институт им. А.И. Герцена, 1983. – 88 с.
4. Гогоберидзе А. Г. Солнцева О. В. Дошкольная педагогика основами методики воспитания и обучения, СПб, 2013, - 464 с.
5. Միտոյան Հ. Սմբատյան Լ. Ուսումնական ձեռնարկ մանկապարտեզի միջին խմբի համար, Երևան, 2010,